

Segun Griffier Wernet

E ora a yega pa edificio di Corte haya e atencion debido

ORANJESTAD(AAN):

Diahuebs DIARIO a entrevista Griffier di corte di prome instante di Aruba Isella Wernet, entre otro pa haya sa mas tocante di e trabao di un Griffier.

Segun sra Wernet, e Griffier di corte entre otro ta encarga cu henter e organizacion cu ta cay bao di e asina yama Griffie di corte.

Di otro banda e ta Griffier substituto di Hof di Antiyas, pues e tin un canal tambe cu hof di Antiyas.

Esaki ta nifica cu e tin cu administra asuntonan cu tin di haber cu Hof.

Esey kiermen cu e ta manda cierto asuntonan pa Curaçao tambe.

Tin biaha hueznan di Aruba mester bay otro paisnan, pues Griffie di Aruba mester keda den contacto cu e otro islanan den Antiyas.

Den algun caso por ehempel pa loke ta e casonan den LAR, Griffie tin contacto cu e asina yama Raad van Staate, cu ta unda e casonan di apelacion relaciona cu Aruba, ta worde haci.

Dos biaha pa aña nan ta bin Aruba pa tene "zitting".

DIARIO a puntra Griffier di corte, pa duna tambe un splicacion riba e budget di corte.

Segun sra Wernet, Gobierno tin un sistema, caminda cada departamento ta hinca su presupuesto den otro, cu ta worde yama



"wenselijkheidbegroting", pues e deseonan di e departamento, entre otro bo meublenan, personal etc.

Pa loke ta e edificio, bo tin e post yama "inversionnan", cu ta esun di mas gasto.

Por ehempel ora bo tin cu bay restaura e edificio, bo mester haci uso di un placa mas grandi.

Di otro banda tin e asina yama "klein onderhoud", pa asuntonan diario manera ora

cu un toilet kibra etc.

A base di loke bo ta kere bo mester, bo ta yena bo presupuesto, pero no ta tur cos cu bo pone riba bo presupuesto bo ta haya pa gasta.

Pues prome cu e presupuesto yega Parlamento, tin algun caminda cu ta worde corta caba den dje.

Pues loke bo ta haya no tur ora ta suficiente pa loke bo

kier a haci.

E edificio actual di corte ta data di 1935, pues esey kiermen cu e ta existi hopi mantencion, pero no ta tur ora e placa tey pa haci e cosnan cu ta necesario pa e edificio.

Griffier Wernet a bisa cu e edificio di corte ta un bunita edificio cu mester worde manteni den su estado original.

Ta asina si cu pa motibo di falta di mantencion, e edificio no ta cumpli mas na e exigencianan di awendia, pa por funciona optimalmente.

No solamente pa loke ta aspectonan di e estructura di e edificio, sino tambe por ehempel e parti di airco y mobiliario.

Awor a bira ora pa duna e edificio di corte e atencion cu e tin mester.

Despues mester purba di sigui mantene tambe.

Na 1986, e edificio a worde renoba completamente, pero despues di esey, no mucho mas a worde haci cune.

Esey ta pone cu e ta den e estado cu e ta actualmente.

Sinembargo e no ta un edificio cu ta "afgeschreven".

Ta asina si cu e edificio ta un tiki chikito.

No solamente pa e trahadornan, sino tambe pa loke ta e cantidad di sala cu tin pa trata e diferente casonan.

Actualmente tin solamente 3 sala pa tratamiento di casonan y uno pa Huez Comisario.

Esey kiermen cu mester haci algo cu esaki.

Corte tin su propio "bouw commissie", cu ta evalua kico corte mester pa funciona optimalmente.

Segun sra Wernet, actualmente edificio di corte tin 1750 meter cuadra, pues mester crea mas espacio.

B.B.O.=BAI BUSCA ONDERSTAND!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Baby Walker
(Bon calidad) a jega
NOBO NOBO